



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vorlegung gemacht von Bruder Johan Tetzel Prediger
Orde[n]s Ketzermeister: wyder eynen vormessen Sermon
von tzwenzig irrige[n] Artickeln Bebstlichen ablas vn[d]
gnade belange[n]de allen ...**

Luther, Martin

[Leipzig], [1518]

VD16 L 6269

Der ander vn[d] drith irrige Artickel des Sermons lauthen wye folgende.

urn:nbn:de:hbz:466:1-32333

creutzes/wen Christus hat erkäth/das dye Rewe itzge
nanther gnungsam war/dy er auch ynen selbst gab/vnd
entbanth sye durch die gewalth des schlussels excellentie
das ist/der gewalts der vbertreffligkeit. Dieweyl aber/
die Prister der menschē rewe/nicht erkennen/noch innen
geben konnen/vnd haben alleyn den schlussel der dinst/
barligkeyth. Derhalben wye hoch der mensch dye sunde
bereweth/das creutze treget/wu er die belchte /ader ge
nungthuunge/als theyl des Sacraments der Bussse /vor
acht/wyrdth im die pein für seyn sunde nymmer meher
vorgebē Erbitte das vff erkētnis des heyligen Bebst/
lichen stuls/aller cristlichen Vniuersitetē vnd Doctorn.

Der ander vñ drith irrige Artickel des Sermons lauthen wye folgende.

¶ Zum andern sagenn sie/der ablas nympt nicht hyn/
das erst adder ander teyll/das ist/die rewe adder peycht/
sunderh das drit. nemlich die gnugthuung.

¶ Zum Dritten. die gnugthuung wirt weyter geteylet
yn drey teyll/das ist/Beeten/vasten/almusen/also/das
beeten begreyff allerley werck der selen eygen/als lesen/
dichtē/horen gottis worth/predigen/leren vnd der gles
chen. Vasten begreyff allerley werck der casteyung seins
fleyschs als wachen/erbeyten/hart lager/cleyder ꝛc. Al
musen begreyff allerley gute werck. der lieb vñnd barmh
hertzkeyth gegen den nechsten.

¶ Vorlegunge/Die werden der massen Cristlich vorles
geth/Erstlich seynde sye beyde irrigt vñ gätz vorsurisch/
wen in ynen wyrt dye warheyth vorschwygenn/wen im
heyligē Concilio tzu constantz/ist vffsnawe beschlossē
wordē/wer ablas vordinen wil/der mus tzu der rewe/
nach ordnung der heyligē kirchen gebeicht habē/aber
nach ordnung der heyligē kirchen ime fürssetzen/solchs
brennen auch mitte gemeinniglich alle Bebstliche ablas

bullē vnd briffe/welche beychte ym ersten artickel simpli-
cite/das ist heymlich/von der warhafftige Bußze they-
leth vnd gesondert wirdt/doch irrlich/Setze das vff er-
kenthnis Bebstlicher heyligkeit aller Cristlichen Vni-
uersiteten vnd Doctorn.

Der vierde artickel des irrigen ser- mons lauth wie folgende.

¶ Zum vierden/Ist bey yn allen vngetzweyffelt. das d
ablas/hyn nympt die selben werck der gnugthuung / vor
die sund schuldig tzuthun adder auffgesetzt / dan szo er/
die selben werck solt all hyn neimen / blieb nichts guttes
mher da/das wir thun mochten.

¶ Vorlegunge/Der wirdt der maß Cristlich vorlegeth
Der vollkommen ablas / nymmeth wegt dye werck der
genugthuung/der gestalt/wer der vollkommenē vorge-
bung der peyn theylhafftigt wyrdt/der ist entpundē/vō
Bebstlicher gewalt/das er dy werck der genügthuunge
In dem dritten Artickel berurth/so yme fur berewte vnd
gebeichte sünde vffgelozet tzu thun nicht schuldig ist/vn
dieweil der mensch nach vollkommener vorgebunge/der
sünde/vnd peyn/von theuffel nicht mynder / auch seynē
eygenn fleisch /vnd der welth /dan fur der vorgebung
angefochtenn wyrdt/Auch dieweyl im menschen nach
vorgebunge der sünde /vnd peyn bleybenn bosze ge-
wonheyten/vnd schnelligkeith/wydderumb in sundenn
tzufallen. Derhalbē tzuthun widderstanth /dem theuf-
fel/dem fleisch/vnd der welth/vnd tzu dempffen bosze
sundtlich gewonheyte/tzuneygüg/schnelligkeith widder/
umb in sünde tzufallen/Adus der mensch nach volkom-
mener vorgebung der sünde/vnd peyn/von Bußfertige
wercken/nicht absthenn dy dem menschē heylsam vnd
tzu seyner geystlichenn schwacheit eyn ertzney sein/auch
tzu ewigem leben vordinstlich/Es besageth auch/Keyn